

天一閣藏明代方志選刊

開州志

一九六四年一月上海古籍
書店據寧波天一閣藏明嘉
靖刻本景印原書版框高二
一·一公分寬一四·七公分

嘉靖開州志



開州志序

中順大夫提督騰黃通政使司右通政前刑科都給事中翰林院庶吉士都趙瑞撰

范氏
天長閣

嘉靖甲午冬十月開州志成郡
守徽山孫侯過洋山之廬屬余
序諸首簡辭既不獲乃言曰繫
郡邑之志其曷昉乎成周小史

外史掌邦國四方之志其昉諸
此也乎兩漢郡國有志自餘則
代有作矣蓋古史在列國咸具
今郡邑古列國而志史也其曷
可以弗算也且夫歷往迹於不
隕貽灋戒於方來而吏治人文

緣之攷見育於志焉賴然則其
曷可以弗葺也吾開自昔聲為
河朔重郡而故志刻闕後生至
罕得見其帙嗣弗葺者垂百年
矣先是崑山張侯基修之會以
遷去弗果歲癸巳寔孫侯至開

之二年睹茲墜典慨焉乃白於
府府是之乃遴諸生之俊異搜
校故實於羣籍而屬端溪王子
撰次之未成編而端溪子以憂
輟事日乃成之嗟乎昔之墜典
今爲完書俾湮鬱無聞者藉之

以章而後之爲政者將有攷焉
詎非一郡之幸哉端溪子博於
采擷覈於稱述時爲論叙以悉
義意勒成一書期以信後其用
心亦勤矣孫侯在開政尚簡實
而特加意斯志蓋有見夫一方

文獻所關非尋常簿書期會可
班者故是舉也成之甚力云

開州志目錄併序志例

王崇慶集

地理志第一

建置志第二

田賦志第三

祠祀志第四

官師志第五

人物志第六

選舉志第七

祥異志第八

藝文志第九

雜志第十

王崇慶曰夫志其見古史之存乎是故史先王之
所重也是故古之列國必有史也而或謂志而非
史吾恐其誣也已矣是故君子辯邪正以廣訓公
是非以昭德酌損益以建極合幽明以達變而能
舍史吾未之前聞也然而信史易良史難是故篤
於疾邪或可追吳競之直而推見至隱董狐吾未
能也然則自是而後無史與曰帝乎道王乎法前
乎無古後乎無今吾謂春秋焉至矣故春秋聖人

之史也於此有儒驕於得志而扭於負氣謂窮宇
宙而人莫已若乃敢取春秋而目曰腐爛嗟乎聖
人之經腐與彼人之學術腐與吾可無辯也已我
澶古所謂國之侯也考之舊典之隆邇來七十有
三年矣是故文而弗彰道之棄也政而罔稽士之
恥也幽而弗闡治之病也其何可久也是舉也始
而力倡吾得先刺史張崑山馬繼而樂聞吾得府
君端虹川馬已而繼成其終吾又得秦之兩溪孫
子魚馬夫三人者時異而功同可以觀志矣若夫
叅互而討論則髦俊之力當亦有不可泯者慶也

既懼良史之不可復而又悼無忌憚之侮雖以春秋而不免也因踵新舊見聞萃而成書聊以復郡侯之請

志例

一曰寺觀淫祠不書以崇正也二曰宦賢之存不書政行以俟定也三曰官師詳古而畧今限於所考非有去取也四曰每事或立論以斷廣視聽也五曰大書啓綱分註竟目法前修也六曰文無關繫不錄敦雅教也

州學生劉紳

楊沉

張峴

王自新

陳以直

李斯立

王世儉

李易

孫白

王以道

李舜卿

趙廷璿

封國

陳治功

晁璫

雷屯

明嘉靖甲午秋九月既望

開州志卷之一

王崇慶集

地里志第一

星野

在室壁之次天文志衛地營室東壁

王崇慶曰星野之制其保章氏始乎先王之慎天人至矣書曰達於上下言天人合也君子得不慎所感與不然舍人事而探渺茫吾未見其可也

沿革

曰稽古顓頊是曰高陽氏之都是爲帝丘一

曰商丘夏后氏冀兗豫之域

湯伐夏受命仍為九州一曰九圍冀兗豫如夏周

武王既克商封康叔於衛故又為衛地春秋時曰

澶淵春秋三十一一年衛遷於帝丘魯襄公二十一年

近衛地

周襄封建發秦始置郡蓋東郡屬也按通志秦始

衛濮陽因置東郡乃知濮陽其來亦舊矣

漢興高帝制度襲秦後為頓丘縣地仍屬東郡莽

改順丘按顏師古曰以丘名縣也丘一成為頓丘謂一頓而成也

晉武帝泰始二年廢東郡立頓丘郡及魏郡

隋屬汲與武陽鄆城舊置濮陽郡開皇初郡廢十